

vns den Born vnd Zukunfft des Herrn verkün-  
diget. Dann weilen Christus (die Welt zu richten)  
mit Donner vnd Pliz kommen soll / dieser ierdische  
Donner aber vielleicht gegeben ist / vns dadurch des  
Zukünftigen in forcht zu erinneren / so wirdt doch  
solches nicht in acht genommen / sondern nur zur  
allergewlichsten vnd schröklichsten Plag vnd  
Verderben des menschlichen Geschlechtes (wie je-  
derman wol bekant ist) zugerichtet vnd bereyhtet.

Dann niemand läugnen kan / daß kein schneller  
Gifft zu finden sey / als eben dieses Pulver. Von  
dem Basilisco wirdt geschrieben / daß er die Men-  
schen mit seinem Gesicht tödten solle / davon man  
sich noch hüten vnd bewahren kan / vnd auch der-  
selben (wann deren auch seyn) gar selten gefunden  
werden / dieses Gifft aber wirdt nun an allen Or-  
then vnd Enden zubereyhtet vnd gefunden.

Wie offtermahls geschicht es / daß der Donner  
in einen Thurn schlägt / dadurch er das Pulver /  
alles so gleiches entzündet / vnd in einem Augenblick  
mand versehen / oder dazu bereyhtet hat / welches  
schröcklich zu hören ist. Desgleichen geschicht auch /  
wann eine Statt von den Feinden belägert / mini-  
ret / oder vndergraben wirdt / dadurch ein groß  
Stück derselben in momento / mit allen die es be-  
giet / plötzlich vnd jämmerlich zum Todte brin-  
gen / vnd was dergleichen viel andere Gefährlichei-  
ten / welche dadurch entstehen können / mehr seint.  
Wie sondte doch ein schnellers vnd gefährlicher Gifft